

四庫全書

集部

欽定四庫全書

御定全唐詩卷三百十八

李吉甫

李吉甫字弘憲以父栖筠蔭補倉曹參軍為太常博士
憲宗立拜考功郎中知制誥入翰林為學士轉中書舍
人元和二年同平章事後為淮南節度雖居外每朝廷
得失輒以聞帝尊任之官而不名卒贈司空吉甫該洽
典故詳練故實善任賢良朝倫式序集二十卷今存詩

四首

癸巳歲吉甫園丘攝事合於中書後閣宿齋常
負忝愧移止於集賢院會門下相公以七言垂
寄亦有所酬短章絕韻不足抒意因叙所懷奉
寄相公兼呈集賢院諸學士

淮海同三入樞衡過六年

後漢牟融
六年任職

廟齋兢永夕書府

會羣仙粉壁連霜曙冰池對月圓歲時憂裏換鐘漏靜
中傳蓬髮顏空老松心契獨全贈言因傳說垂訓在三

篇

夏夜北

一作後

園即事寄門下武相公

結構非華宇登臨

一作仙

似古原僻殊蕭相宅蕪勝邵平

園避暑依南廡追涼在北軒煙霞霄外靜草露月中繁
鵲繞驚還止蟲吟思不喧懷君欲有贈宿昔貴忘言

九日小園獨謠贈

贈一作奉寄

門下武相公

小園休沐暇暫與故山期樹杪懸丹棗苔陰落紫梨舞
叢新菊徧繞格一作樹古藤垂受露紅蘭晚迎霜白薤肥

上公留鳳沼

一作詔

冠劍侍清祠應念

一作命

端居者長慙

補袞詩

懷伊川賦

龍門南岳盡伊源草樹人煙目所存正是北州梨棗熟
夢魂秋日到郊園

鄭綏

鄭綏字文明滎陽人擢進士宏詞初為張延賞掌書記
入為起居郎翰林學士累遷中書舍人憲宗立拜中書

侍郎同平章事太和中以太子少傅致仕細少好學大
歷中有高名後踐歷華顯出入中外踰四十年守道寡
欲不為烜赫事時推耆德集三十卷今存詩五首

奉和武相公省中宿齋酬李相公見寄

高閣安仁省名園廣武廬沐蘭朝太一種竹詠華胥禁
靜踈鐘徹庭開一作爽韻虛洪鈞齊萬物縹帙整羣書
寒露滋新菊秋風落故渠同懷不同賞幽意竟何如

寒夜聞霜鐘

霜鐘初應律寂寂出重林拂水宜清聽凌空散迥音春
容時未歇搖曳夜方深月下和虛籟風前聞一作遠砧
淨兼寒漏徹閒畏曙更侵遙想千山外泠泠何處尋

奉酬宣上人九月十五日東亭望月見贈因懷

紫閣舊遊

中年偶逐鴛鸞侶弱歲多從麋鹿羣紫閣道流今不見
紅樓禪客早曾聞松齋月朗星初散苔砌霜繁夜欲分
一覽綵牋佳句滿何人更詠惠休文

九日登高懷邵二

簪茱泛菊俯平阡
飲過三杯却惘然
十歲此辰同醉友
登高各處已三年

享太廟樂章

於穆時文受天明命
允恭玄默化成理定
出震嗣德應乾傳聖
猗歟緝熙千億流慶

句

情人共惆悵
良友不同遊

紀事云細九日有懷邵二詩
又懷林十二云云其重友如

此

鄭餘慶

鄭餘慶字居業大厯中舉進士第初為嚴震山南從事
貞元初歷庫部郎中為翰林學士以工部侍郎知吏部
選後拜中書侍郎同平章事憲宗時為尚書左僕射詳
定典制引韓愈李程為副崔郾陳珮楊嗣復庾敬休為
判官損益儀規號為詳衷終太子太師檢校司徒集五
十卷今存詩二首

和黃門相公詔還題石門洞

黃門武元衡也

紫氛隨馬處黃閣駐車情嵌壑驚山勢周灘戀水聲

一作

清地分二蜀限關志百牢名琬琰攀酬郢微言鼎飪情

用韻重

享太廟樂章

開邸除暴時邁勛尊三元告命四極駿奔金枝翠葉輝
燭瑤琨象德億載貽慶湯孫

趙宗儒

趙宗儒字秉文鄧州穰人舉進士初授弘文館校書郎
拜左拾遺充翰林學士與父暉秘書少監同日並命當
時榮之貞元十二年以給事中同中書門下平章事罷
相為右庶子端居守道勤奉朝請遷吏部侍郎改尚書
前後三鎮方任八領選部歷憲穆敬文四朝以司空致
仕詩一首

和黃門武相公詔還題石門洞

益部恩輝降同榮漢相還韶芳滿歸路軒騎出重關望

日朝天闕披雲過蜀山更題風雅韻永絕翠嵩間

柳公綽

柳公綽字寬京兆華原人舉賢良方正直言極諫武元
衡節度劍南與裴度俱為判官相引重召為吏部郎中
元和初進太醫箴遷御史中丞歷六鎮太和中終兵部
尚書性耿介有大臣節為文不尚浮靡所取士如許康
佐鄭朗盧簡辭崔璵夏侯孜李拭韋長皆知名顯貴詩

三首

和武相錦樓翫月得濃字

時為西川
營田副使

此夜年年月偏宜此地逢近看江水淺遙辨雪山重萬

井金花

一作風

肅千林玉露濃不唯樓上思飛蓋亦陪從

題梓州牛頭寺

一出西城第二橋兩邊山木晚蕭蕭井花淨洗行人耳

留聽溪聲入夜潮

贈毛仙翁

桃源千里遠花洞四時春中有含真客長為不死人松

高枝葉茂鶴老羽毛新莫遣同籬槿朝榮暮化一作絕塵

張正一

張正一德宗末左補闕以上書召見王叔文之黨疑其言已陰事令韋執誼諧之坐貶詩一首

和武相公中秋錦樓翫月得蒼字

時為西川觀察判官

高秋今夜月皓色正蒼蒼遠水澄如練孤鴻迥帶霜旅人方積思繁宿稍沈光朱檻叨陪賞尤宜清漏長

徐放

徐放字達夫武元衡西川從事元和九年為衢州刺史
見韓愈徐偃王廟碑詩一首

奉和武相公中秋錦樓翫月得來字

玉露中秋夜金波碧落閒鵲驚初泛濫鴻思共裊回遠
月一作日清光徧高空爽氣來此時陪永望更得上燕臺

崔備

崔備建中進士第為西川節度使判官終工部郎中詩

六首

和武相公中秋錦樓玩月

得前字秋
字二篇

清景同千里寒光盡一年
竟天多鴈過通夕少人眠
照別江樓上添愁野帳前
隋侯恩未報猶有一一作感夜珠圓
四時皆有月一夜獨當秋
照耀初含露裴回正滿樓
遙連雪山淨迥入錦江流
願以清光末年年許從遊

奉陪武相公西亭夜宴陸郎中

賓閣玳筵開通宵遞玉杯
塵隨歌扇起雪逐舞衣迴
剪燭清光發添香煖氣來
令君敦宿好更為一裴回

清溪路中寄諸公

一作寄韋
于二侍御

偏郡隔雲岑迴溪路更深少留攀桂樹長

一作畏

渴望梅

林野筍資公膳山花慰客心別來無信息可謂井瓶沈

奉酬中書相公至日園丘行事合於中書宿直

移止於集賢院叙情見寄之什

一作崔
曙詩

典籍開書府恩榮避鼎司郊丘資有事齋戒守無為宿
霧蒙瓊樹餘香覆玉墀進經逢乙夜展禮值明時勲共
山河列名同竹帛垂年年佐堯舜相與致雍熙

使院憶山中道侶兼懷李約

松竹去名嶽，衡茅思舊居。山君水上印，天女月中書。舊
秩芸香在，空奩藥氣餘。褐衣寬易攬，白髮少難梳。病柳

傷摧折，殘花惜掃除。憶巢同倦鳥，避網甚跳魚。阮巷一作

嵇阮慚交絕，商一作求崑愧跡踈。與君非宦侶，何日共樵漁。

蕭祐

蕭祐字祐之，蘭陵人。以處士徵拜拾遺。元和初，歷御史
中丞，桂管防禦觀察使。為人間澹貞退善鼓琴賦詩精

妙書畫遊心林壑名人高士多與之遊詩二首

奉陪武相公西亭夜晏陸郎中

時為武元
衡幕僚

弘閣陳芳晏佳賓此會難交逢貴日重醉得少時歡舒
黛凝歌思求音足筆端一聞清佩動珠玉夜珊珊

遊石堂觀

西山高高何所如上有古昔真人居嶽崖巨石自成室
其下磅礴含清虛我來斯邑訪遺迹乃遇沈生耽載籍
沈生為政哀惇嫠又能索隱探靈竒欣然向我話佳境

與我崎嶇到山頂
甘瓜剖綠出寒泉
碧甌浮花酌春茗
嚼瓜啜茗身清涼
汗消絺綌如迎霜
胡為空山百草花
倏爾籩豆肆我旁
始驚知周無小大
力寡多方驗斯在
妙用騰聲冠蓋間
勝遊恣意煙霞外
故碑石像凡幾年
雲鬱雨霏生綠煙
我知遊此多靈仙
縹緲月中飛下天
天風微微夕露委
松梢颼颼曉聲起
鳳去空遺簫管音
星翻寥落銀河水
勸君學道此時來
結茅獨宿何遼哉
齋心玄默感靈衛
必見鸞鶴相裴回
我愛崇山雙劍北

峰如人首拄天黑

俗呼為人頭山

羣仙偃僂勢奔走狀若歸尊

趨有德半巖有洞頂有池出入靈怪潛蛟螭我去不得

晝夜思夢遊曾信南風吹南風吹我到林嶺故國不見

秦天迥山花名藥撲地香月色泉聲洞心冷蔭松散髮

逢異人寂莫曠然口不言道陵公遠莫能識髮短耳長

誰獨存司農驚覺忽惆悵可惜所遊俱是妄蘊懷耿耿

誰與言直至今來意通形神閒攤傳又恨斜陽催一丘

人境尚堪戀何況海上金銀臺

王良士

王良士貞元進士為西川劉闢幕僚闢敗應坐高崇文
宥之詩二首

奉陪武相公西亭夜宴陸郎中

芳氣襲猗蘭青雲展舊歡仙來紅燭下花發綵毫端海
嶽期方遠松筠歲正寒仍聞言贈處一字重琅玕

南至日隔霜仗望含元殿爐煙

一作車
綯詩

抗殿䟽龍首高高接上玄節當南至日星是北辰天寶

霜一作戟羅仙仗金爐引御煙霏微雙闕麗容曳九門連

拂曙祥光滿分晴瑞色鮮一陽今在厯生植仰陶甄

獨孤實

獨孤實嘗為武元衡鎮西川時僚吏詩一首

奉陪武相公西亭夜宴陸郎中

仙郎膺上才夜宴接三台燭引銀河轉花連錦帳開靜
看歌扇舉不覺舞腰回寥落東方曙無辭盡玉杯

盧士政

一作
玟

盧士政山東人為西川觀察支使後歷瀛鄭節度入為
太子賓客分司詩一首

奉陪武相公西亭夜宴陸郎中

華堂良宴開星使自天來舞轉朱絲一作逐歌餘素扇

回水光凌曲檻夜色靄高臺不在賓階末何由接上台

于敖

于敖字蹈中江南人登進士第長慶中給事中尋轉工
部侍郎出為宣歙觀察使兼御史中丞詩一首

聞鶯

玉繩河漢曉縱橫萬籟潛收鶯獨鳴能將百轉清心骨
寧止閒窓夢不成

皇甫鏞

皇甫鏞字和卿朝那人第進士元和中為河南少尹時
兄鏞領度支聚斂勾剝天下怨恨鏞每極言不聽乃求
分司為右庶子開成初終太子少保鏞能文尤工詩什
集十八卷今存詩一首

和武相公聞鶯

華館沈沈曙境清
伯勞初嘯月微明
不知台座宵吟久
猶向花窓驚夢聲

御定全唐詩卷三百十八

欽定四庫全書

御定全唐詩卷三百十九

顏祭

顏祭登建中進士第詩二首

白露為霜

悲秋將歲晚繁露已成霜
徧渚蘆先白露籬菊自黃
應鐘鳴遠寺擁雁度三湘
氣逼襦衣薄寒侵宵夢長
滿庭添月色拂水斂荷香
獨念蓬門下窮年在一方

吳宮教美人戰

一作吳秘詩

有客陳兵畫功成欲霸吳
玉顏承將畧金鈿指軍符轉
佩風雲暗鳴鼙錦繡趨雪花頻落粉香汗盡流珠掩笑
誰干令嚴刑一作師必用誅至今孫子術一作法猶可靜邊隅

徐敞

徐敞建中進士詩五首

月映清淮流

遙夜淮彌淨，浮空月正明。
虛無含氣白，凝澹映波清。
見底深還淺，居高缺復盈。
處柔知坎德，持潔表陰精。
利物功難並，和光道已成。
安流方利涉，應鑒此時情。

圓靈水鏡

浮光上東洛，揚彩滿圓靈。
明滅淪江水，盈虛逐砌堦。
不分沙岸白，偏照海山清。
練色臨窓牖，蟾光靄戶庭。
成輪疑壁影，初魄類弓形。
遠近疑清質，娟娟一作依微出衆星。

虹藏不見

迎冬小雪至應節晚虹藏玉氣徒成象星精不散光
美人初比色飛鳥罷呈祥石澗收晴影天津失彩梁
霏霏空暮雨杳杳暎殘陽舒卷應時令因知聖歷長

白露為霜

早寒青女至零露結為霜入夜飛清景凌晨積素光
駟星初暫葭莖復蒼蒼色冒沙灘白威加木葉黃
鮮輝襲紈扇殺氣掩干將葛屨那堪履徒令君子傷

賦得金莖露

武帝貴長生延年餌玉英銅盤貯珠露仙掌抗金莖拂
曙氛埃斂凌空沆瀣清茗菟捧瑞氣龍從出宮城勢入
浮雲聳形標霽色明大君當御宇何必去蓬瀛

張聿

張聿建中進士詩五首

圓靈水鏡

鳳池開月鏡清瑩寫寥天影散微波上光含片玉懸菱
花疑泛濫桂樹映清鮮樂席披雲日山濤卷霧年濯纓

何處去鑒物自堪妍回首看雲液蟾蜍勢正圓

景風扇物

何處青蘋末呈祥起遠空曉來搖草樹輕度淨塵蒙

一作

輕去動
溟濛

水上微波動林前媚景通寒天鳴萬籟蘭徑長

幽藪漸颺搏扶勢應從索籥功開襟若有日願覩大王
風

劍化為龍

古劍誠難屈精明有所從沈埋方出獄合會却成龍

斗光初歇蜿蜒氣漸濃雲濤透百丈水府躍千重拖尾
迷蓮鍔張鱗露錦容至今沙岸下誰得覩元蹤

餘瑞麥

瑞麥生堯日芄芄雨露偏兩岐分更合異畝穎仍連冀
獲明王慶寧唯太守賢仁風吹靡靡甘雨長芊芊聖德
應多稔皇家配有年已聞天下泰誰為濟西田

賦得首夏猶清和

一作黎
逢詩

早夏宜春景和光起禁城祝融將御節炎帝啓朱明日

送殘花晚風過御苑清郊原浮麥氣池沼發荷英樹影
臨山動禽飛入漢輕幸逢堯禹化全勝谷中情

麴信陵

麴信陵貞元元年進士第為舒州望江令有惠政詩一
卷今存六首

移居洞庭

重林將疊嶂此處可逃秦水隔人間世花開洞裏春荷
鋤分地利縱酒樂天真萬事更有吾今已外身

吳門送客

亂山吳苑外，臨水讓王祠。
素是傷情處，春非送客時。
不須愁落日，且願駐青絲。
千里會應到，一尊誰共持。

長安道

朱門映綠楊，雙闕抵通莊。
玉珮聲逾遠，紅塵猶自香。

出自賊中謁恒上人

再拜吾師喜復悲，誓心從此永歸依。
浮生恍惚若真夢，何事于中有是非。

過真律師舊院

寂然秋院閉秋光
過客閒來禮影堂
堅冰銷盡還成水
本自無形何足傷

酬談上人詠海石榴

真僧相勸外浮華
萬法無常可歎嗟
但試尋思階下樹
何人種此我看花

句

臺笠冒山雨
渚田耕荇花

見石林燕詩

張正元

張正元登貞元五年進士第詩二首

冬日可愛

一作陳
諷詩

寒日臨清晝
遼天一望時
未消埋徑雪
先暖讀書帷
屬思光難駐
舒情影若遺
晉臣曾比德
謝客昔言詩
散彩寧偏煦

一作照

流陰信不追
餘輝如可就
迴燭幸無私

臨川羨魚

有客百愁侵
求魚正在今
廣川何渺漫
高岸幾登臨
風

水寧相阻煙霞豈憚深不應同逐鹿詎肯比從禽結網
非無力忘筌自有心永存芳餌在佇立思沈沈

王履貞

王履貞貞元七年登第詩一首

青雲干呂

異方占瑞氣干呂見青雲表聖興中國來王謁大君迎

祥殊大樂叶慶類橫汾自感

一作是

明時起非因

一作將觸

石分映霄難辨色從吹乍成文須使流千載垂芳在典

墳

彭伉

彭伉宜春人貞元七年登進士第官評事詩三首

青雲干呂

祥輝上千呂郁郁又紛紛
遠示無為化將明至道君
勢凝千里靜色向九霄分
已見從龍意寧知觸石文
狀煙殊散漫捧日更氛氲
自使來賓國西瞻仰瑞雲

聖布中區化祥符異域雲
含春初應呂暈碧已成文東

起隨風暖西流共日曛升時嘉異月為慶等凝汾輕與

晴煙比高將曉霧分飄飄如可致願此翊明君

前首見
文苑英

華此首見唐詩
紀事並存之

寄妻

莫訝相如獻賦遲錦書誰道淚沾衣不須化作山頭石
待我堂前折桂枝

林藻

林藻字緯乾莆陽人貞元七年進士第官嶺南節度副

使詩一卷今存三首

青雲干呂

一作吳
泌詩

應節偏干呂亭亭在紫氛

綴空一作雲

初布一作度

影捧日

已成文結蓋祥光迴為樓

一作峯

翠色分還同起封上更

似出橫汾作瑞來藩國呈形表聖君
裴回如有託

一作知有

謂誰道比閒雲

吳宮教戰

一作葉
季良詩

強吳矜霸畧講武在深宮
畫出嬌娥輩先觀上將風揮

戈羅袖卷擲甲汗裝紅輕一作掩笑分旗下含羞入隊中

鼓停行未整刑舉令方崇自可威隣國何勞騁戰功

梨嶺

見閩南唐雅

曾向嶺頭題姓字不穿楊葉不言歸弟兄各折一枝桂
還向嶺頭聯影飛

李觀

李觀字元賓趙州人貞元八年進士宏辭擢第授太子
校書郎集三卷詩四首

贈馮宿

寒城上秦原遊子衣

一作意

飄飄黑雲截萬里獵火從中

燒陰空蒸長煙殺氣獨不銷冰交石可裂風疾山如搖
時無青松心顧我獨不凋

宿裴友書齋

臥君山窓下山鳥與我言清風何颼颼松栢中夜繁久
遊失歸趣宿此似故園林煙橫近郊谿月落古原穉子
不待曉花間出柴門

御溝新柳

御溝迴廣陌芳柳對行人翠色枝枝滿年光樹樹新畏
逢攀折客愁見別離辰近映章臺騎遙分禁苑春嫩陰
初覆水高影漸離塵莫入胡兒笛還令淚溼巾

試中和節詔賜公卿尺詩

淑節韶光媚皇明寵錫崇具寮頌玉尺成器幸良工豈
止尋常用將傳度量同人何不取利物亦賴其功紫翰
宣殊造丹誠厲匪躬奉之無失墜恩澤自天中

李絳

李絳字深之贊皇人登宏詞科授秘書省校書郎貞元末拜監察御史元和中以本官充翰林學士改中書舍人尋拜中書侍郎輔政多所匡益以疾求罷出為河中國察使改充海節度使寶曆初入為尚書左僕射李逢吉惡之罷為太子少師分司東都文宗即位徵為太常卿復出為山南西道節度使兵亂遇害集二十二卷今存詩二首

省試恩賜耆老布帛

一作崔宗詩

渙汗中天發殊私海外存衰顏逢聖代華髮受皇恩燭
物明堯日垂衣闢禹門惜時悲落景賜帛慰餘寬厚澤
沾翔泳微生保子孫盛明今尚齒歡奉九衢樽

和裴相國荅張秘書贈馬詩

高才名價欲凌雲上駟光華遠贈君念舊露垂丞相簡
感知星動客卿文縱橫逸氣寧稱力馳騁長途定出羣
伏櫪莫令空度歲黃金結束取功勳

崔樞

崔樞順宗朝歷中書舍人充東宮侍讀終秘書監詩二

首

賜耆老布帛

一作張復元詩

殊私及耆老聖德賑黎元布帛忻天賜生涯作主恩情
均皆挾纊禮異賁丘園慶洽時方泰仁沾月告存寧知
酬雨露空識荷乾坤擊壤將何幸裴回望九門

齊優開籠飛去所獻楚王鵠

受命籠齊鵠交歡獻楚王
惠心先巧辯戢羽見迴翔
意適清風遠憂除白日長
度雲搖舊影過樹閱新芳
直取名翻重寧唯好不傷
誰言滑稽理千載戒禽荒

陸復禮

陸復禮貞元八年宏詞第一人詩一首

試中和節詔賜公卿尺詩

春仲令初吉歡樂大中皇
恩貞百度寶尺賜羣公欲
使方隅法還令規矩同捧
觀珍質麗拜受聖恩崇如荷

丘山重思酬方一作分寸功從茲度天地與國慶無窮

李正辭

李正辭貞元八年進士第憲宗時自拾遺轉補闕詩一首

賦得白雲起封中一作陳希烈詩

千年泰山頂雲起漢皇封不作奇峯狀寧分觸石容為
霖雖易得表聖自難逢冉冉排空上依依疊影重素光
非曳練靈眈是從龍豈學無心出東西任所從

張嗣初

張嗣初貞元八年進士詩二首

賦得白雲起封中

一作許
康佐詩

英英白雲起呈瑞出封中表聖寧因地逢時豈待風浮
光彌皎潔流影更一作忽冲融自叶堯年美誰云漢日同
金泥光乍掩玉檢氣潛通欲與非煙並亭亭不散空

春色滿皇州

何處年華好皇州淑氣勻韶陽潛應律草木暗迎春柳

變金堤畔蘭抽曲水濱
輕黃垂輦道微綠映天津
麗景浮丹闕晴光擁紫宸
不知幽遠地今日幾枝新

許康佐

許康佐貞元中舉進士宏辭累遷中書舍人翰林學士
與王起俱為文宗寵禮終禮部尚書詩二首

日暮碧雲合

日際愁陰生天涯暮雲碧
重重不辨蓋沈沈乍如積
林色黯疑暝隙光俄已夕
出岫且從龍縈空寧觸石
餘輝

澹瑤草浮影凝綺席時景詎能留幾思輕尺壁

白雲起封中

一作張
嗣初詩

英英白雲起呈瑞出封中表聖寧依地逢時豈待風浮
輝彌皎潔流影更冲融自叶堯天美誰言漢日同泥金
光乍掩檢玉氣俄通猶願非煙瑞亭亭不散空

許堯佐

許堯佐康佐之弟擢進士第為太子校書郎終諫議大
夫詩一首

石季倫金谷園

一本題作金谷懷古

石氏遺文在淒涼見故園輕

一作清

風思奏樂衰草憶

一作

念行軒舞榭蒼

一作荒

苔掩歌臺落葉繁斷雲歸舊壑流

水咽新源曲沼殘煙斂叢篁宿鳥喧唯餘池上月猶似
對金尊

李君房

一作芳

李君房貞元間人詩一首

石季倫金谷

一本有園故字

園

梓澤風流地淒涼跡尚存殘芳迷妓女衰草憶王孫舞
態隨人謝歌聲寄鳥言池平森灌木月落弔空園流水
悲難駐浮雲影自翻賓階餘蘚石車馬詎喧喧

杜羔

杜羔洹水人貞元初及進士第後歷振武節度使以工
部尚書致仕詩一首

享惠昭太子廟樂章登歌

因心克孝位震遺芬賓天道茂軫懷氣分發祗乃祀咳

歎如聞二歌斯升以詠德薰


車鈞

車鈞貞元進士詩一首

南至日隔仗望含元殿香鑪

一作王良士詩

抗殿疏元首高高接上元節當南至日星是北辰天寶
戟羅仙仗金鑪引瑞煙霏微雙闕麗溶曳九州連拂曙
祥光滿分晴曉色鮮一陽今在厯生植願陶甄



御定全唐詩卷三百十九

欽定四庫全書

集部

御定全唐詩卷三百

二十三至
二十三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官典簿臣劉景岳

謄錄監生臣何銓

欽定四庫全書

御定全唐詩卷三百二十

權德輿

權德輿字載之天水略陽人未冠即以文章稱杜佑裴
胄交辟之德宗聞其材召為太常博士改左補闕兼制
誥進中書舍人歷禮部侍郎三知貢舉憲宗元和初歷
兵部吏部侍郎坐郎吏誤用官闕改太子賓客俄復前
官遷太常卿拜禮部尚書同平章事會李吉甫再秉政

帝又自用李絳議論持異德輿從容不敢有所輕重坐是罷以檢校吏部尚書留守東都復拜太常卿徙刑部尚書出為山南西道節度使二年以病乞還卒於道年六十贈左僕射諡曰文德輿積思經術無不貫綜其文雅正瞻緝動止無外飾而醞藉風流自然可慕為貞元元和間縉紳羽儀文集五十卷今編詩十卷

奉和聖製九月十八日賜百寮追賞因書所懷

錫宴朝野洽追歡堯舜情秋堂絲管動水榭煙霞生黃

花媚新霽碧樹含餘清同和六律應交泰萬寓平春

一作

睿藻下中天湛恩闡文明小臣諒何以

一作幸

亦此彰華

纓

奉和聖製九日言懷賜中書門下及百寮

令節在豐歲皇情喜久

一作久

安絲竹調六律簪裾列千

官煙霜暮景清水木秋光寒筵開曲池上望盡終南端

天文麗慶霄

一作天麗慶霄漢

墨妙驚飛鸞願言黃花酒永奉

今日歡

奉和聖製重陽日中外同歡以詩言志因示百

僚

一作
奉臣

玉醴宴嘉節拜恩歡有餘煌煌菊花秀馥馥萸房舒白
露秋稼熟清風天籟虛和聲度簫韶瑞氣深儲胥百辟
皆醉止萬方今宴如宸衷

一作
理

在化成藻思煥瓊琚微

臣徒竊抃豈足歌唐虞

奉和聖製中春麟德殿會百寮觀新樂

仲春

一作
月

藹芳景內庭宴羣臣森森列千戚濟濟趨鈞

陳大樂奉天地中和序人倫正聲邁咸獲易象含義文

玉俎映朝服金鈿明舞茵

一作
綈

韶光雪初霽聖藻風自

薰時泰恩澤溥功成行綴新賡歌仰昭回竊比華封人

奉和聖製中和節賜百官宴集因示所懷

萬方慶嘉節宴喜皇澤均曉開莫葉

一作
英

初景麗星

一作

百鳥春藻思貞百度著明並三辰物情舒在陽時令弘

至仁衢酒和樂被薰弦聲曲新賡歌武弁側永荷玄化

醇

奉和聖製重陽日即事六韻

嘉節在陽數至歡朝野同恩隨千鍾洽慶屬五稼豐時
菊洗露華秋池涵霽空金絲響仙樂劍烏羅宗公天道
光下濟睿詞敷大中多慙擊壤曲何以荅

一作
達堯聰

奉和聖製豐年多慶九日示懷

寒露應秋杪一作節清光澄曙空澤均行葦厚年慶華黍

一作黍禾豐聲明一作名暢八表宴喜陶九功文麗日月合樂

和天地同聖言在推誠臣職惟一作事匪躬瑣細何以報

翺飛淳化中

贈文敬太子廟時享退文舞迎武舞樂章

千旄羽籥相虧蔽一進一退殊行綴昔獻三雍盛禮容
今陳六佾崇儀制

讀穀梁傳二首

第二首第八句缺一字

荀寅士吉射誠乃蔽聰明奈何趙志父專舉晉陽兵下
冷漢七國借此以為名吾嘉徙薪智禍亂何由生

憶昔澳梁會豈伊無諸侯羣臣自盟軟君政如贅旒有

欽定四庫全書

御定全唐詩

四

力則宗楚何人復尊周空文徒爾貶見此空血流

劉紹相訪夜話因書即事

故人愴久別茲夕歎郊扉山僮澆野醞
穉子塞書帷清露泣珠瑩金波流玉
徽忘言我造適瞪視君無違但令
靜勝躁自使癯者肥不待遽生年
從此知昔非

卧病喜惠上人李鍊師茅處士見訪因以贈

沉痾結繁慮卧見書窻曙方外三賢人
惠然來相親整巾起曳策喜非車馬客
支郎有佳文新句凌碧雲霓裳

何飄飄浩志凌熬氛復有沈冥士遠係三茅君各言麋
鹿性不與簪組羣清言出衆繁曠跡逃玄纁心源暫澄
寂世故方糾紛終當逐師輩巖桂香氤芬

多病戲書因示長孺

行年未四十已覺百病生眼眩飛蠅影耳厭遠蟬聲甘
辛敗六藏冰炭交七情唯思曲肱枕搔首擲華纓

古興

月中有桂樹無翼難上天海底有龍珠下隔萬丈淵人

生大限雖百歲就中三十稱一世晦明烏兔相推遷雪

霜漸到雙鬢邊沈憂戚戚多浩歎不得如意居太

一作大

半一氣暫聚常恐散黃河清兮白石爛

感寓

殘雨倦欹枕病中時序分秋

一作寒

蟲與秋葉一夜隔窻

聞虛室對搖落晤言無與羣冥心試觀化世故如絲棼

但看鳶戾天豈見山出雲下里

一作歌

徒擊節朱弦秘南

薰梧桐

一作梧

秀朝陽上有威鳳文終待九成奏來儀瑞

吾君

跌傷伏枕有勸釀酒者斲忘所苦因有一絕

一杯宜病士四體委胡牀斲得遺形處陶然在醉鄉

病中苦熱

三伏鼓洪爐支離一病夫倦眠身似火渴散汗如珠
悸之心難定沈煩氣欲無何時灑微雨因與好風俱

覽鏡見白鬚數莖光鮮特異

秋來皎潔白鬚光試脫朝簪學酒

一作舞

狂一曲酣歌還

自樂兒孫嬉笑挽衣裳

南亭曉坐因以示璩

隱几日無事風交松桂枝
園廬含曉霽草木發華姿
跡似南山隱官從小宰移
萬殊同野馬方寸即靈龜
弱質常多病流年近始衰
圖書傳授處家有一男兒

竹逕偶然作

退朝此休沐閉戶無塵氛
杖策入幽徑清風隨此君
琴觴恣偃傲蘭蕙相氣一作氤
幽賞方自適林西煙景曛

拜昭陵過咸陽墅

季子乏二頃揚雄才一廛伊予此南畝數已踰前賢頃
歲辱明命銘勲鏤貞堅遂茲操書致內顧增缺然乃葺
場圃事迨今三四年適因昭陵拜得抵咸陽田田夫競
致辭鄉耄爭來前村盤既羅列雞黍皆珍鮮古稱祿代
耕人以食為天自慙廩給厚諒使井稅先塗塗溝塍霧
漠漠桑柘煙荒蹊沒古木精舍臨秋泉池籠豈所安樵
牧乃所便終當解纓絡田里諧因緣

早春南亭即事

虛齋坐清晝梅坼柳條鮮節候開新歷筋骸減故年振
衣慙艾綬閱鏡歎華顏獨有開懷處孫孩戲目前

璩投京兆府參軍戲書以示兼呈獨孤郎

見爾府中趨初官足慰吾老牛還舐犢凡鳥亦將雛喜
至翻成感癡來或欲殊因慙玉潤客應笑此非夫

書紳詩

和靜有真質斯人稱最靈感物惑天性觸里

一理

作

紛多

名禍機生隱微智者鑒未形敗禮因近習詰人自居貞
當令念慮端鄙慢不能萌苟非不踰矩焉得遂性情謹
之在事初動用各有程千里起步武慧雲自織莖心源
一流放駭浪奔長鯨淵木苟端深枝流則貞清和理通
性術悠久方昭明先師留中庸可以導此生

侍從遊後湖讌坐

絕境殊不遠湖塘直吾廬煙霞旦夕生泛覽誠可娛慈
顏俯見喻輟爾詩與書清旭理輕舟嬉遊散煩劬宿雨

蕩殘煥惠風與之俱心靈一開曠機巧眇已疎中流有
荷花花實相芬敷田田綠葉映艷艷紅姿舒繁香好風
結淨質清露濡丹霞無容輝媿色亦踟躕穠芳射水木
歌葉游龜魚化工若有情生植皆不如輕舟任沿沂畢
景乃躊躇家人亦恬曠稚齒皆忻愉素弦激淒清音酒
盈罇壺壽觴既頻獻樂極隨歌呼圓月初出海澄輝來
滿湖清光照酒酣頻傾百慮無以茲心目暢敵彼名利
途輕肥何為者漿藿自有餘願銷區中累保此湖上居

無用誠自適年年翫芙蕖

晨坐寓興

清晨坐虛齋羣動寂未諠泊然一室內因見萬化源得
喪心既齊清淨教益敦境來每自愜理勝或不言亭柯
見榮枯止水知清渾悠悠世上人此理法難論

郊居歲暮因書所懷

養拙方去諠深居絕人事返耕忘帝力樂道疎代累脩
然衡茅下便有江海意寧知肉食尊自覺儒衣貴煙霜

當暮節水石多幽致三徑日閒安千峯對深邃策藜出
村渡岸幘尋古寺月魄清夜琴猿聲警朝寐地偏芝桂
長境勝煙霞異獨鳥帶晴光疎篁淨寒翠窻前風葉下
枕上溪雲至散髮對農書齋心看道記清言覈名理開
卷窮精義求譽觀朵頤危身陷芳餌紛吾守孤直世業
常恐墜就學緝韋編銘心對歌器元和暢萬物動植咸
使遂素履期不渝永懷丘中志

暮春閒居示同志

避諠非傲世幽興樂郊園好古每開卷居貧常閉門曙
鐘來古寺旭日上西軒稍與清境會暫無塵事煩靜看
雲起滅閒望鳥飛翻乍問山僧偈時聽漁父言體羸諳
藥性事簡見心源冠帶驚年長詩書喜道存小池泉脈
湊危棟燕雛喧風入松陰靜花添竹影繁灌園輸井稅
學稼奉晨昏此外知何有怡然向一罇

田家即事

閒卧藜牀對落暉
翛然便

一作更

覺世情非漠漠
稻花資

旅食青青荷葉製儒

一作
裳

衣山僧相訪

一作
勤

期中飯漁

父同遊或夜歸待學向平婚嫁畢渚煙溪月共忘機

寓興

弱冠無所就百憂鍾一身世德既顛墜素懷亦堙淪風
煙隔蒿丘羸疾滯漳濱昭代未通籍豐年猶食貧敢求
庖有魚但慮甑生塵俛首愧僮僕蹇步羞親賓豈伊當
途者一一由中人已矣勿復言吾將問秋旻

浩歌

杖策出蓬華浩歌秋興

一作
愁思

長北風吹荷衣蕭颯景氣

涼通達抵山郭里巷連湖光孤雲淨遠峯綠水溢芳塘

魚鳥樂天性雜英互芬芳我心獨何為萬慮縈中腸履
道身未泰主家謀不臧心為世教牽跡寄翰墨場出處

兩未定羈

一作
孤

羸空自傷沈憂不可裁佇立河之梁晚

歸茅簷下左右陳壺觴獨酌復長謔放心遊八荒得喪

同一域是非亦何常胡為苦此生矻矻徒自強乃知

一作

泛
杯中物可使

一作
令

憂患忘

一作
亡

因茲謝時輩棲息無

何鄉

與道者同守庚申

洞真善救世守夜看

一作
考

仙經俾我外持內當茲申配

庚齋心已恬愉澡身自澍明沈沈簾幃下雷靄燈燭清

四支動用息一室虛白生收視忘趨

一作
取

舍叩齒集神

靈伊予嗜欲寡居常痾恙輕三尸既伏竄九藏乃和平

無令耳目勝則使性命傾窅然深夜中若與元氣并釋

宗稱定慧儒師著誠明派分示三教理詣無二名吉祥

能止止委順則生生視履苟無咎天祐期永貞應物智
不勞虛中理自冥豈資金丹術即此駐顏齡

丙寅歲苦貧戲題

四十句共
缺十九字

清朝起藜牀雪霜對枯籬家人來告予今日無晨炊
醯一已整薪炭固難期厚生彼何人工拙各異宜間歲
從使檄親賓苦川馳雖非悖而常相隨吳門與

南畝頗亦持鋤基有時

歲計猶不支顏淵諒賢

人陋巷能自怡

子野泰然傾薄糜愧非古人心

戚戚愁

古猶不及太上那可希奈何時風扇使

衰巧智競憂勞展轉生澆漓吾觀黃金

勝

青松枝麤令有魚菽豈復求輕肥顧慙

拙甘使羣

下嗤如何致一杯醉後無所知

獨酌

獨酌復獨酌滿盞流霞色身外皆虛名酒中有全德風
清與月朗對此情何極

知非

名教自可樂搢紳貴行道何必學狂歌深山對豐草

誠言

言之或未行前哲所不取方寸雖浩然因之三緘口

醉後

美祿與賢人相逢自可親願將花柳月盡賞醉鄉春

御定全唐詩卷三百二十

欽定四庫全書

御定全唐詩卷三百二十一

權德輿

奉和李相公早朝於中書候傳點偶書所懷奉
呈門下相公中書相公

五更鐘漏歇千門扃鑰開紫宸

一作
微

殘月下黃道曉光

來辨色趨中禁分班列上台祥煙初繚繞威鳳正裴回
斧藻歸全德輪轅適衆材化成風偃草道合鼎調梅渥

命隨三接皇恩暢九垓嘉言造膝去喜氣沃心迴東閣
延多士南山賦有臺陽春那敢和空此詠康哉

奉和于司空二十五丈新卜城南郊居接司徒
公別墅即事書情奉獻兼呈李裴相公

一德承昌運三公翊至尊雲龍諧理代魚水見深恩別
墅池塘曉晴郊草木蕃溝塍連杜曲茅土盛于門卜築
因登覽經邦每討論退朝鳴玉會入室斷金言材俊依
東閣壺觴接後園逕深雲自起風靜葉初翻宰物歸心

匠虛中卽化源
巴人寧敢和空此
媿遊藩

奉和新卜城南郊居得與衛右丞鄰舍因賦詩

寄贈

上宰坐論道郊居仍里仁
六符既昭晰萬象隨陶鈞
旭旦下玉墀鳴騶拂車茵
軒窻退殘暑風物迎蕭辰
山澤

屢雨出林塘魚鳥馴豈同求羊逕
共是羲皇人石

一作右

君五曹重左戶三壤均
居止煙火接逢迎雞黍頻
大方本無隅盛德必有鄰
千年郢曲後復此聞陽春

奉和韋曲莊言懷貽東曲外族諸弟

韋曲冠蓋里鮮原鬱青蔥公台睦中外聖舍鄰西東駟
馭出國門晨曦正曛曛燕居平外土野服參華蟲疆畎
分古渠煙霞連灌叢長幼序以齒歡言無不同憶昔全
盛時勛勳播休功代業擴宇內光塵藹墟中慨息多永
歎歌詩厚時風小生忝瓜葛慕義斯無窮

和王侍郎病中領度支煩迫之餘過西園書堂

閒望

憑檻輟繁務晴光煙樹分中邦均禹貢上藥驗桐君滿
逕風轉蕙卷簾山出雲鏘然玉音發餘興在斯
一作新 丈

奉和度支李侍郎早朝

夙駕趨北闕曉星啟東方鳴騶分騎吏列燭散康莊照
灼華簪並逶迤綺陌長腰金初辨色噴玉自生光獻替
均三壤貞明集百祥下才叨接武空此媿文昌

奉和劉侍郎司徒奉詔伐叛書情呈宰相

玉帳元侯重黃樞上宰雄緣情詞律外宣力廟謀中震

耀恭天討嚴凝助歲功行看畫麟閣凜凜有英風

奉和鄜州劉大夫麥秋出師遮虜有懷中朝親

故

天子愛全才故人雄外臺綠油登上將青綬亞中台亭
障鳴笳入風雲轉旆來蘭坊分杳杳麥壠望莓莓月向
瑠弓滿蓮依寶劍開行師齊駕列錫馬盡龍媒壯志徵
梁甫嘉招萃楚材千尋推直幹百鍊去纖埃間閭勞相
望歡言幸早陪每聯花下騎幾泛竹間杯芳訊雙魚遠

流年兩鬢催何時介圭覲攜手詠康哉

太原鄭尚書遠寄新詩走筆酬贈因代書賀

曉開閭闔出絲言共喜全才鎮北門職重油幢推上畧
榮兼革履見深恩昔歲經過同二仲登朝並命慙無用
曲臺分季奉齋祠直筆繫年陪侍從芬芳雞舌向南宮
伏奏丹墀跡又同公望數承黃紙詔虛懷自號白雲翁
戎裝躐蹀紛出祖金印煌煌寵司武時看介士閱犀渠
每狎儒生冠章甫晉祠汾水古并州千騎雙旌居上頭

新握兵符應感激遠緘詩句更風流緇衣諸侯諒稱美
白衣尚書何可比只今麟閣待丹青努力加餐報天子

奉和許閣老酬淮南崔十七端公見寄

文行蘊良圖聲華挹大巫掄才超粉署駁議在黃樞自
得環中辨偏推席上儒八音諧雅樂六轡騁康衢密侍

全

一作金

鏘珮雄才本棄繻爐煙霏瑣闥宮漏滴銅壺舊

友雙魚至新文六義敷斷金揮麗藻比玉詠生芻交辟
嘗推重單辭忽受誣風波疲賈誼歧路泣楊朱溟漲前

程險炎荒旅夢孤空悲鳶跼水翻羨鴈銜蘆故國方迢

遶羈愁自鬱紆遠猷來象魏霈澤過番禺盡室扁舟客

還家萬里途索居因仕宦著論擬潛夫帆席來應駛郊

園半已蕪夕陽尋古

一作井

逕涼吹動織枯憶昔同驅傳

忘懷或據梧幕庭依古刹緡稅給中都瓜步經過慣龍

沙眺聽殊春山嵐漠漠秋渚露塗塗

德興建中興元之間與崔同為鹽鐵

邑大夫從事楊子既濟寺貞元初德興受辟于江西廉推崔又知度支院在焉孰謂原思病非

關窻武愚方看簪獬豸俄歎繫駒駮芳訊風情在佳期

歲序徂二賢歡最久三益義非無
柏悅心應爾松寒志不渝
子將陪禁掖亭伯限江湖交分終推轂
離憂莫向隅分曹日相見延首憶田蘇

奉和李給事省中書情寄劉苗崔三曹長因呈
許陳二閣老

常察幾處伏明光新詔聯翩夕拜郎
五夜漏清天欲曙萬年枝暖日初長
分曹列侍登文石促膝閑謠接羽觴
共說漢朝榮上賞豈令三友滯馮唐

過張監閣老宅對酒奉酬見贈

其年停
貢舉

里仁無外事徐步一開顏
荆玉收難盡齊竿喜暫閒
秋風傾菊酒霽景下蓬山
不用投車轄甘從倒載還

奉和張舍人閣老閣中直夜思聞雅琴因以書
事通簡僚友

紜垣宿清夜藹藹復沈沈
圓月衡漢淨好風松滌

一作
篠

深軒窻韻虛籟蘭雪懷幽音
珠露銷暑氣玉徽結遐心
盛才本殊倫雅誥方在今
佇見舒彩翩翩飛歸鳳

一作
鳳歸

林

和兵部李尚書東亭詩

三接屨聲退東亭斯曠然風流披鶴氅操割佩龍泉雲
卷巖巘疊雨餘松桂鮮豈煩禽尚遊所貴天理全

和司門殷負外早秋省中書

一無書字

直夜寄荆南

衛象端公

共嗟王粲滯荊州才子為郎憶舊遊涼夜偏宜粉署直
清言遠待玉人酬風生北渚煙波闊露下南宮星漢秋

早晚得為同舍侶

一作
旅

知君兩地結離憂

酬陸三十二參浙東見寄

驄馬別已久鯉魚來自烹殷懃故人意怡悵中林情茫
茫重江外杳杳一枝瓊搔首望良覲為君華髮生

奉酬張監閣老雪後過中書見贈

一有
輒字

加兩韻

簡南省僚舊

寓直久叨榮新恩倍若驚風清五夜永節換一陽生潘
鬢年空長齊竿藝本輕常時望連茹今日劇懸旌枉步

歡方接含毫思又縈煩君白雪句歲晏若為情

酬主客仲貞外見賀正除

五年承乏奉如綸才薄那堪侍從臣禁署獨聞清漏曉
命書慙對熬泥新周班每喜簪裾接郢曲偏宜諷詠頻
憶昔曲臺嘗議禮見君論著最相親

奉和太府

一作常

韋卿閣老左藏庫中假山之作

春山仙掌百花開九棘腰金有上才忽向庭中摹峻極
如從洞裏見昭回小松已負干霄狀片石皆疑縮地來

都內今朝似方外仍傳麗曲寄雲臺

奉和崔評事寄外甥劉同州并呈杜賓客許給
事王侍郎昆弟揚少尹李侍御并見寄之作

芳訊來江湖開緘繁瑤碧詩因乘黃贈才擅雕龍格深
陳名教本諒以仁義積藻思成采章雅音聞皦繹清時

左馮翊貴士

一作仕

二千石前日應星文今茲啟華戟謝

公嘗乞

音氣

墅甯氏終相宅往歲疲草玄忘年齊舉白酒

酣吟更苦夜艾談方劇棗巷風雨秋石頭煙水夕多逢

長者轍不屑諸公辟酷似仰牢之雄詞挹亭伯老驥念
千里飢鷹舒六翮巨能捨郊扉來偶朝中客

和職方殷郎中留滯江漢初至南宮呈諸公并

見寄

十載

一作
歲

別文昌藩符寄武當師貞上介辟恩擢正負

郎藻思煙霞麗歸軒印綬光

項佐山南
榮加草服

還希駐輦問莫

自嘆馮唐

奉酬從兄南仲見示十九韻

晉季天下亂安丘佐關中德輝霸家牒侯籍推時功簪
纓盛西州清白傳素風逢時有舒卷繕性無窮通吾兄
挺竒資向晦道自充耕鑿汝山下退然安困蒙詩成三
百篇儒有一畝宮琴書滿座右芝朮生牆東麗藻粲相
鮮晨輝艷芳叢清光杳無際皓魄流霜空邦有賢諸侯
主盟詞律雄薦賢比文舉理郡邁文翁樓中賞不獨池
畔醉每同聖朝闢四門發跡貴名公小生何為者往歲
學雕蟲華簪映武弁一年被微躬開緘捧新詩瓊玉寒

青葱謬進空內訟結懷遠忡忡時來無自疑刷翻摩蒼
穹

酬崔千牛四郎早秋見寄

浩歌坐虛室庭樹生涼風碧雲滅竒彩白露萎芳叢感
此時物變悠然遐想通偶來被簪組自覺如池龍少年
才藻新金鼎世業崇鳳文已彪炳瓊樹何青葱聯鑣長
安道接武承明宮君登玉墀上我侍彤庭中疲病多內
愧切磋常見同起予覽新詩逸韻凌秋空相愛每不足

因茲寓深衷

酬靈徹上人以詩代書見寄

時在薦福寺坐夏

蓮花出水地無塵中有南宗了義人已取貝多翻半字

還將陽燄論三身碧雲飛處詩

一作詞

偏麗白月圓時信

本真更喜開緘銷熱惱西方社裏舊相親

酬蔡十二博士見寄四韻

蕪城十年別蓬轉居不定終歲白屋貧獨謠清酒聖風
塵韋帶減霜雪松心勁何以浣相思啟元能盡性

君著周易

啟元
十卷

戲和三韻

墨翟寔不黔范丹甌生塵君今復勞歌鶴髮吹濕薪前

詔許真秩何如巾軟輪

君貞元十一年以隱君拜命詔書令州府給傳來詣闕到日授

正官

李十韶州寄途中絕句使者取報修書之際口

號酬贈

詔下忽臨山水郡不妨從事恣攀登莫言向北千行鴈

別有圖南六月鵬

崔四郎協律以詩見寄兼惠蜀琴因以酬贈

臨風結煩想客至傳好音白雪絨郢曲朱弦亘蜀琴冷
泠響幽韻款款寄遐心歲晚何以報與君期斷金

酬馮絳州早秋絳臺感懷見寄

良牧閑無事層臺思眇然六條紫印綬三晉辨山川洗
贖一作磧謳謠合開襟眺聽偏秋光連大鹵霽景下新田

葉落徑庭樹人歸曲沃煙武符頌美化亥字訪疑年經

術推多識卿曹亦累遷齋祠常並冕官品每差肩按部
青絲騎裁詩白露天知音媿相訪商洛正閒眠

酬趙尚書杏園花下醉後見寄

時為太常卿

春光深處曲江西八座風流信馬蹄鶴髮杏花相映好
美君終日醉如泥

酬趙尚書城南看花日晚先歸見寄

杜城韋曲徧尋春處處繁花滿目新日暮歸鞍不相待
與君同是醉鄉人

次定四庫全書

神光全唐詩

十二

御定全唐詩卷三百二十一

欽定四庫全書

御定全唐詩卷三百二十二

權德輿

伏蒙十六叔寄示喜慶感懷三十韻因獻之

受氏自有殷樹功緬前秦圭田接土宇侯籍相紛綸二十

代祖秦僕射安丘敬公事具十六國春秋及晉書八代祖周宜昌公七代祖隋鄜城公六代祖皇朝封平涼公皆以勲庸而受爵土也道義集天爵菁華極人文握蘭中臺並折

桂東堂春

五代伯祖屯田郎中府君叔祖水部負外郎府君同登省闈事具南宮故事曾王父成都

府君曾祖叔梓州府君長安府君同
以進士居甲科載在登科記之內也

祖德蹈前哲家風

播清芬

王父古羽林錄事府君與席文公建侯友善又與蘇司業源明包著作融為文章之友唱酬往

復各有文集

先公秉明義大節逢艱屯獨立挺忠孝至誠感

神人命書備追錫跡遠道不伸小生諒無似積慶遭昌
辰九年西掖忝五轉南宮頻司理因曠職曲臺仍禮神
愧非夔龍姿忽佐堯舜君內惟負且乘徒以弱似仁豈
足議大政所憂玷彛倫叔父貞素履含章窮典墳百氏
若珠貫九流皆暈分黃鍾蘊聲調白玉那緇磷清論坐

虛室長謠宜幅巾開闕接人一作祠支策無俗賓種杏

當暑熱烹茶含露新井徑交碧蘚軒窗棲白雲飛沈禽
魚樂芬馥蘭桂薰經術弘義訓息男茂嘉聞筮仕就色
養宴居忘食貧四方有翹車上國有蒲輪行當反招隱
豈得常退身秦吳路杳杳朔海望云云侍坐馳夢寐結
懷積昏昕發函捧新詩慈誨情殷勤省躬日三復拜首

書諸紳

酬李二十二兄主簿馬跡山見寄

并序

族內兄暢純靜而深直方而文與予同偶居丹陽
丹陽郭北四十里所有馬跡山山有奇峰怪石且
多昔賢真仙之所游踐方外士殷渙然通易經老
嚴之旨居於山下從舅原均探異好古亦往來棲
息其間貞元元年兄以典校祕書調補江陵松滋
主簿以地遠不就職予以環衛冗秩罷漕輓從事
且久家居食貧里巷相接其明年兄命駕遊此山
予以疾故不克偕往既而猥辱鍾陵檄召兄自山

中以詩一首見貽理精詞達清滌心府三復其文
如至山下終篇則戲以出處之跡見誚故予復之
於此章仍加六十字以就全數

杳杳塵外想悠悠區中緣如何戰未勝曾是教所牽遠
郊有靈峯夙昔棲真仙鸞聲去已久馬跡空依然丹崖
轉初旭碧落凝秋煙松風共蕭颯蘿月想嬋娟內兄蘊
遐心嘉遯性所便不能棲枳棘且復探雲泉中有冥寂
人間讀逍遙篇聯袂共支策握衣嘗絕編徐行石上苔

靜韻風中弦煙霞濕儒服日月生寥天新詩來起予
璩六義全能盡舍寫意轉令山水鮮若聞笙鶴聲宛在
耳目前登攀阻心賞愁絕空懷賢出處豈異途心冥即
真筌整從西府檄終卧東菑田不嫌予步蹇但恐君行
羶如能固曠懷谷口期窮年

酬陸四十楚源春夜宿虎丘山對月寄梁四敬
之兼見貽之作

東風變薊薄時景日妍和更想千峯夜浩然幽意多蕙

香襲閒趾松露泣喬柯潭影漾霞月石牀封薜蘿夫君
非歲時已負青冥姿龍虎一門盛淵雲四海推駸駸少
騷裊婉婉翥長離懸圃盡瓊樹家林輕桂枝聲榮徒外
獎恬淡方自適逸氣凌顥清仁祠訪金碧芊眠瑤草秀
斷續雲竇滴芳訊發幽絨新詩比良覲故人石渠署美
價滿中朝落落杉松直芬芬蘭杜飄雄詞鼓溟海曠達
豁煙霄營道幸同術論心皆後凋循環伐木詠緬邈招
隱情慙茲擁腫才愛彼潺湲清拘牽尚多故夢想何由

并終結方外期不待華髮生

酬穆七侍郎早登使院西樓感懷

耿耿宵欲半振衣庭戶前浩歌撫長劍臨風泛清弦晴
霜麗寒蕪微月露碧鮮杉梧韻幽籟河漢明秋天良夜
雖可翫沈憂逾浩然樓中遲啟明林際揮宿煙晨風響
鐘鼓曙色映山川滔滔天外一作大江駛杲杲朝日懸因窮
西南永得見天地全動植相糾紛車從競喧闐鱣鮪躍
洪流麇麇倚荒阡噦噦白雲鴈嘒嘒清露蟬一氣鼓萬

殊晦明相推遷羲和無停鞅不得常少年當令志氣神
及此鬢髮玄豈唯十六族今古稱其賢夫君才氣雄振
藻何翩翩詩輕沈隱侯賦擬王仲宣小鳥捨榆枋大鵬
激三千與君期晚歲方結林棲緣

奉和李大夫題鄭評事江樓

達士無外累隱几依南郭茅棟上江開布帆當砌落支
頤散華髮歌枕曝靈藥入鳥不亂行觀魚還自樂何時
金馬詔早歲建安作往事盡筌蹄虛懷寄杯杓邦君駐

千騎清論時間酌憑檻出煙埃振衣向寥廓心源齊彼
是人境勝巖壑何必栖冥冥然為一作後避矰繳

春遊茅山酬杜評事見寄

喜得賞心處春山豈計程連溪芳草合半嶺白雲晴絕
澗漱一作飲冰碧仙壇挹顥清懷君在人境不共此時情

和韓侍御白髮

白髮今朝見虛齋曉鏡清乍分霜簡色微映鐵冠生幕
下多能事周行挹令名流年未可嘆正遇太階平

和邵端公醉後寄于諫議之作

莫羨簷前柳春風獨早歸陽和次第發桃李更芳菲

和李大夫西山祈雨因感張曲江故事十韻

亞相冠貂蟬分憂統十聯火星當永日雲漢倬炎天齋

禱期靈貺精誠契昔賢中宵出駟馭清夜

一作旭

旅牲牲

觸日

一作石

看初起隨車應物先雷音生絕巘雨足晦平

阡瀟灑四冥合空濛萬頃連歌謠誼澤國稼穡徧原田

故事三台盛新文六義全作霖應自此天下待豐年

同陸太祝鴻漸崔法曹載華見蕭侍御留後說
得衛撫州報推事使張侍御却迴前刺史戴負
外無事喜而有作三首

專城書素至留臺忽報張網攬轡迴共看昨日蠅飛處
併是今朝鵲喜來

鶴髮州民擁使車人人自說受恩初如今天下無冤氣
乞為邦君雪謗書

衆人哺啜喜君醒渭水由來不雜涇遮莫雪霜撩亂下

松枝竹葉自青青

荅韋秀才寄一首

中峯雲暗雨霏霏
水漲花塘未得歸
心憶瓊枝望不見
幾迴虛濕薜蘿衣

戶部王曹長楊考功崔刑部二院長並同鍾陵
使府之舊因以寄贈又陪郎署喜甚常僚因書

所懷且叙所知

一作
前好

忽驚西江侶共作南宮郎
宿昔芝蘭室今茲鴛鴦行
子

猷美風味左戶推公器含毫白雪飛出匣青萍利子雲

嘗燕居作賦似相如閒成考課奏別貢賢良

一作能

書子

玉諒貞實持刑慎丹筆秋天鴻鵠姿晚歲松筠質伊予
誠薄才何幸復趨陪偶來塵右掖空此憶中臺時節東
流駛悲歡追往事待月登庾樓排雲上蕭寺盍簪蓮府
讌落帽龍沙醉極浦送風帆靈山眺煙翠解頤通善謔
喻指窮精義搦管或飛章分曹時按吏雨散與蓬飄秦
吳兩寂寥方期全擁腫豈望躡扶搖夜直分三署晨趨

共九霄外庭時接武廣陌更連鑣北極星辰拱南薰氣
序調欣隨衆君子並立聖明朝

貢院對雪以絕句代八行奉寄崔閣老

寓宿春闈歲欲除嚴風密雪絕雙魚思君獨步西垣裏
日日含香草詔書

初秋月夜中書宿直因呈楊閣老

欵枕直廬暇風蟬迎早秋沈沈玉堂夕皎皎金波流對
掌喜新命分曹諧舊遊相思翫華彩因感庾公樓

唐開州文編遠寄新賦累惠良藥咏嘆仰佩不
覺斐然走筆代書聊書還荅

風雨竦庭柯端憂坐空堂多病時節換所思道里長故
人朱兩轡出自尚書郎下車今幾時理行遠芬芳瓊瑤
覽良訊茅苴滿素囊結根在貴州蠲疾傳古方探擷當
五月慙慙逾八行深情婉如此善祝何可忘復有金玉
音煥如龍鳳章一聞靈洞說若覩羣仙翔三清飛慶霄
百汰成雄鋌體物信無對灑心願相將昔年同旅食終

日窺文房春風眺蕪城秋水渡柳楊君為太史氏弱質
羈楚鄉今來忝司諫千騎遙相望歸雲夕鱗鱗圓魄夜
蒼蒼遠思結鈴閣何人交羽觴佇見徵潁川無為薄淮
陽政成看再入列侍爐煙傍

待漏假寐夢歸江東舊居

一下有因寄惠閣黎
茅處士時德與秉政

未果
會也

十年江浦卧郊園閒夜分明結夢魂舍下烟蘿通古寺
湖中雲雨到前軒南宗長老知心法東郭先生識化源

覺後忽聞清漏曉又隨簪珮入君門

祇命赴京途次淮口因書所懷

弱植素寡偶趨時非所任感恩再登龍求友皆斷金
彪覩竒采淒鏘聞雅音適欣佳期接遽嘆離思侵靡靡
遵遠道忡忡勞寸心難成獨酌謠空奏伐木吟沈寥清
冬時蕭索白晝陰交歡諒如昨滯念紛在今因風試矯
翼倦飛會歸林向晚清淮駛回首楚雲深

省中春晚忽憶江南舊居戲書所懷因寄兩浙

親故雜言

前年冠獬豸戎府隨賓介去年簪進賢贊尊法宮前今
茲戴武弁謬列金門彥問我何所能頭冠忽三變野性
慣踈閭晨趨興暮還花時限清禁霽後愛南山晚景支
頤對尊酒舊遊憶在江湖久庾樓柳寺共開襟楓岸煙
塘幾攜手結廬常占練湖春猶寄藜牀與幅巾疲羸只
欲思三徑慙直那堪備七人更想東南多竹箭懸圃琅
玕共蔥蒨裁書且附雙鯉魚偏恨相思未相見

寄李衡州

時所居即
衡州宅

片石叢花畫不如，
庇身三逕豈吾廬。
主人千騎東方遠，
唯望衡陽鴈足書。

寄臨海郡崔穉璋

美酒步兵厨，古人嘗宦遊。
赤城臨海嶠，君子今督郵。
吏隱豐暇日，琴壺共冥搜。
新詩寒玉韻，曠思孤雲秋。
志士誠勇退，鄙夫自包羞。
終當就知己，莫戀潺湲流。

李韶州著書常論釋氏之理，貴州有能公遺跡。

詩以問之

常日區中暇時聞象外言曹溪有宗旨一為勘心源

馬上贈虛公

馬足早塵深飄纓又滿襟吾師有甘露為洗此時心

郴州換印緘遣之際率成三韻因寄李二兄負

外使君

緘題桂陽印持寄朗陵兄刺舉官猶屈風謠政已成行

看換龜紐

一作組

奏最謁承明

早發杭州泛富春江寄陸三十一公佐

一作祐

候曉起徒馭春江多好風
白波連青雲蕩漾晨光中
四望浩無際沈憂將此同
未離奔走途但恐成悲翁
俯見

一作視

觸餌鱗仰目凌霄鴻
纓塵日已厚心累何時空
區

一作區

此人世所向皆樊籠
唯應杯中物醒醉為窮通

故人懸圃姿瓊樹
紛青葱終當此山去
共結蘭桂叢

寄侍御從舅

初免職歸山東一作侍御從舅初免職歸東山寄以詩

靡靡南軒蕙迎風
轉芳滋落落幽澗松
百尺無附枝世

物自多故達人心不羈偶陳幕中畫未一作永負林間期
感恩從慰薦循性難縈維野鶴無俗質孤雲多異姿清
冷松露泣照灼巖花遲終當稅塵駕來就東山嬉

湖上晚眺呈惠上人

湖上煙景好鳥飛雲自還幸因居止近日覺性情閑獨
酌乍臨水清機常見山此時何所憶淨一作法侶話玄關

新秋月夜

一作下

寄故人

客心宜靜夜月色澹新秋影落三湘水詩傳八詠樓何

窮對酒望幾處捲簾愁若問相思意隨君萬里遊

自揚子歸丹陽初遂閒居聊呈惠公

移疾喜無事卷簾松竹寒稍知名是累日與靜相歡
蹇淺逢機少迂疎應物難只思閑夜月共向沃州看

月夜過靈徹上人房因贈

此身會逐白雲去未洗塵纓還自傷今夜幸逢清淨境
滿庭秋月對支郎

戲贈張鍊師

月帔飄颻摘杏花相邀洞口勸流霞
半酣乍奏雲和曲
疑是龜山阿母家

戲贈天竺靈隱二寺寺主

石路泉流兩寺分尋常鐘磬隔山聞
山僧半在中峯住
共占青巒與白雲

贈廣通上人

身隨猿鳥在深山早有詩名到世間
客至上方留盥漱
龍泓洞水晝潺潺

贈老將

白草黃雲塞上秋，曾隨驃騎出并州。
轆轤劍折虬鬚白，轉戰功多獨不侯。

戲贈表兄崔秀才

何事年年戀隱淪，成名須遣及青春。
明時早獻甘泉去，若待公車却悞人。

醉後戲贈蘇九條

蘇常好讀元魯山文時
或勸入闕者故戲及之

白首書窻成鉅儒，不知簪組徧屠沽。
勸君莫問長安路。

且讀魯山于為于

于為于德秀
所為歌也

御定全唐詩卷三百二十二

欽定四庫全書

御定全唐詩卷三百二十三

權德輿

奉送韋起居老舅百日假滿歸嵩陽舊居

威鳳翔紫氣

一作氣

孤雲出寥天
竒采與幽姿
縹緲皆自

然嘗聞陶唐氏亦有巢由

一作許

全以此聳風俗
豈必效

羈牽大君遂羣方
左史蹈前賢
振衣去朝市
賜告歸林泉
滑和固難久
循性得所便
有名皆畏途
無事乃真筌

舊壑窮杳窳

一作冥

新潭漾淪漣
崑花落又開
山月缺復

圓輕策逗蘿逕
幅巾凌翠烟
機閒魚鳥狎
體和芝朮鮮

四皓本違

一作避

難二疏猶待年
况今寰海

一作字

清復此

鬢髮玄顧慙
纓上塵未絕
區中緣齊竽
終自退心寄嵩

峯巔

奉送孔十兄賓客承恩致政歸東都舊居

達人曠迹通出處
每憶安居舊山去
乞身已見抗疏頻
優禮新聞詔書許
家法遙傳闕里訓
心源早逐嵩丘侶

南史編年著盛名東朝侍講常虛佇角中華髮忽自遂
命服金龜君更與白雲出岫暫逶迤鴻鵠入冥無處所
歸路依依童稚樂都門藹藹壺觴舉能將此道助皇風
自可殊途並伊呂

送密秀才吏部駁放後歸蜀應崔大理序

蜀國本多士雄文似相如之子西南秀名在賢能書薄
祿且未及故山念歸歟迢迢三千里返駕一羸車玉壘
長路盡錦江春物餘此行無愠色知爾戀林廬

送表中丞持節冊南詔五韻

淨字

西南使星去遠徹通朝聘煙雨燹道深麾幢漢儀盛途
輕五尺險水愛雙流淨上國洽恩波外臣遵禮命離堂
駐駟馭且盡樽中聖

人日送房二十六侍御歸越

驛騎歸時驄馬蹄蓮花府映若邪溪帝城人日風光早
不惜離堂醉似泥

送張閣老中丞持節冊弔回鵲

旌旆翩翩擁漢官，君行常得遠人歡。
分職南臺知禮重，輟書東觀見才難。
金章玉節鳴騶遠，白草黃雲出塞寒。

欲散別離

一作愁

唯有醉

一作酒

暫煩賓從駐征鞍

送二十叔赴任餘杭尉

琴字

拜首直城陰，樽開意不任。
梅仙歸劇縣，阮巷奏離琴。
春草吳門綠，秋濤浙水深。
十年曾旅寓，應愜宦遊心。

春送十四叔赴任渝州錄事絕句

中字

隨牒忽離南北巷，解巾都吏有清風。
巴城鑲印六聯靜

盡日閒謠解署中

送韋十二丈赴襄城令三韻

柳字

留連出關騎斟酌臨歧酒舊業傳一經新官裁五柳去
去望行塵青門重迴首

送薛十九丈授將作主簿分司東都賦得春草
芊芊遠郊外杳杳春崑曲愁處映微波望中連淨綠日
暮藉離觴折芳心斷續

送正字十九兄歸江東醉後絕句

命駕相思不為名
春風歸騎出關程
離堂莫起臨歧歎
文舉終當薦禰衡

送張詹事致政歸嵩山舊隱

青字

解龜辭漢庭
却憶少微星
直指常持憲
平反更恤刑
閒思紫芝侶
歸卧白雲扃
明詔優筋力
安車適性靈
羣公來藹藹
獨鶴去冥冥
想到揮金處
嵩吟枕上青

送許著作分司東都

月旦繼平輿
風流仕石渠
分曹向瀍洛
守職正圖書
棣

萼榮相映瓊枝色不如賓朋爭漉酒徒御侍

一作侍

巾車

異日始離抱維思烹鯉魚

送少清赴潤州參軍因思練舊居

得銷字

二紀樂簞瓢煙霞暮與朝因君宦遊去記得春江潮遠別更搔首初官方折腰青門望離袂為阿連銷

送濬上人歸揚州禪智寺

露一作露宗通法已傳麻衣筇杖去悠然揚州後學應

相待遙想旂花古寺前

獻歲送李十兄赴黔中酒後絕句

一罇歲酒且留歡
三峽黔江去路難
志士感恩無遠近
異時應戴惠文冠

送張僕射朝見畢歸鎮

青光照目青門曙
玉勒琤戈擁駟馭
東方連帥南陽公

文武吉甫如古風
獨奉新恩來謁帝
感深更見新

一作歌

詞麗共看三接欲
為霖却念百城同
望歲雙旌去去戀
儲胥歸路鶯花伴
隼旟今日漢庭求
上略留侯自有一

編書

送韋行軍負外赴河陽

五代

一作年

武弁侍明光，輟佐中權拜外郎。記事還同楚

倚相傳經遠，自漢扶陽離堂處處羅。簪組東望河橋壯

輦鼓三城曉，角啟軒門一縣繁。花照蓮府上，略儒風並

者稀翩翩騶騎有光輝。只今右一作左職多虛位，應待他

時伏奏

一作仗節歸

送韋中丞奉使新羅

往字

淳化洽聲明殊方均惠養計書重譯至錫命雙旌往星
辭北極遠水泛東溟廣斗柄辨宵程天琛宜晝賞孤光
洲島迴淨綠煙霞敞展禮盛賓徒交歡覲君長經途勞
視聽愴別縈夢想延頸旬歲期新恩在歸鞅

送從翁赴任長子縣令

家風本鉅儒吏職化雙鳧啟事才方愜臨人政自殊地
雄韓上黨秩比魯中都拜首春郊夕離杯莫向隅

送從弟廣東歸絕句

夏雲如火鑠晨輝
欵段羸車整素衣
知爾業成還出谷
今朝莫愴斷行飛

送王鍊師赴王屋洞

稔歲在芝田
歸程入洞天
白雲辭上國
青鳥會羣仙
自以碁銷日
寧資藥駐年
相看話離合

一作別
一作念

風馭忽泠

然

送薛溫州

鷲字

昨日饋連營
今來刺列城
方期建禮直
忽訪永嘉程
郡

內裁詩暇樓中遲客情憑君減千騎莫遣海鷗驚

送黔中裴中丞閣老赴任

迴字

五諫留中禁雙旌輟上才內臣持鳳詔天廡錫龍媒宴
語睽蘭室輝榮亞柏臺懷黃宜命服舉白歎離杯景霽
山川迴風清霧露開辰溪分浩淼棘道接縈迴勝理環
中得殊琛徼外來行看旬歲詔傳慶在公台

送崔諭德致政東歸

天子坐法宮詔書下江東懿此嘉遯士蒲車赴丘中褐

衣入承明朴略多古風直道侍太子昌言沃宸聽品居
四十年心與鷗鳥同一朝受恩澤自說如池龍乞骸歸
故山累疏明深衷大君不奪志命錫忽以崇旭旦出國
東一作門輕裝若秋蓬家依白雲嶠手植丹桂叢竹齋引
寒泉霞月相玲瓏曠然解赤綬去逐冥冥鴻

送三十叔赴任晉陵

心字 德輿舊居在
丹陽去晉陵百里

春雲結暮陰侍坐捧離襟黃綬輕裝去青門芳草深十
年塵右職三逕寄遐心便道傳橈處應過舊竹林

送安南裴都護

忽佩交州印初辭列宿文莫言方任遠且貴主憂分迴
轉朱鳶路連飛翠羽羣戈船航漲海旌旆卷炎雲絕徼
褰帷識名香夾轂焚懷來通北戶長養洽南薰暫歎同
心阻行看異績聞歸時無所欲蒞或煩君

送別沅

一作沅

念爾強學殖非貫早從師温温稟義方慥慥習書詩計
偕來上國宴喜方怡怡經術既修明藝文亦歲蕤伊予

諒無取瑣質荷洪慈偶來貳儀曹量力何可支廢業固
相受避嫌誠自私徇吾刺促心婉爾康莊姿古人貴直
道內訟乖坦夷用茲處大官無乃玷清時羸車出門去
悵望交涕洟琢磨貴分陰歲月若飈馳千里起足下豐
年繫鎡鍤苟令志氣堅佇見纓珮隨斑斕五綵服前路
春物熙舊遊憶江南環堵留蓬茨湖水白於練尊羹細
若絲別來十三年夢寐時見之寵榮忽踰量荏苒不自
知晨興愧華簪止足為靈龜遐路各自愛大來行可期

青冥在目前努力調羽儀

送張曹長工部大夫奉使西番

殊鄰覆露同奉使小司空西使車徒出南臺節印雄弔
祠將渥命尊譯暢皇風故地山河在新恩玉帛通塞雲
凝廢壘闕月照驚蓬青史書歸日翻輕五利功

九華觀宴餞崔十七叔判官赴義武幕兼呈書

記蕭校書

炎光三伏晝洞府宜幽步宿雨潤芝田鮮風搖桂樹陰

陰臺殿敞靡靡軒車駐晚酌臨水清一作情晨裝出關路

偏榮本郡辟倍感元臣遇記室有門人因君達書素

送文暢上人東遊

桑門許辯才外學接宗雷護法麻衣淨翻經貝葉開宗

通一作塵知不染妄想自堪哀或一作載結西方社師遊早

晚迴

送靈武范司空

上畧在安邊吳鈞結束鮮三公臨右地七萃擁中堅舊

壘銷烽火新營辨井泉
伐謀師以律賈勇士爭先
塞迴晴看月沙平遠際天
榮薰一作勳知屈指應在盛秋前


送商州杜中丞赴任

安康地里接商於
帝命專城總賦輿
夕拜忽辭青瑣闥
晨裝獨捧紫泥書
深山古驛分騶騎
芳草閒雲逐隼旟
綺皓清風千古在
因君一為謝巖居

送殷卿罷舉歸淮南舊居

計偕十上竟無成
忽憶嵩居便獨行
志業嘗探絕編義

風塵虛作棄繻生
歲儲應歎山田薄
里社時逢野醞清
惆悵中年羣從少
相看欲別倍關情



御定全唐詩卷三百二十三